

四庫全書

史部

欽定四庫全書

欽定盛京通志卷一百四

古蹟

五

奉天府境內宮殿官署名勝古蹟

承德縣

遼陽州

海城縣

蓋平縣

開原縣

鐵嶺縣

復州

寧海縣

錦州府境內宮殿官署名勝古蹟

錦縣

寧遠州

廣寧縣

義州

吉林境內宮殿官署名勝古蹟

吉林

寧古塔

黑龍江境內宮殿官署名勝古蹟

呼倫布爾



欽定四庫全書

欽定盛京通志卷一百四

古蹟

五

奉天府境內宮殿官署名勝諸古蹟

承德縣

安撫高麗軍民總管府

在城內東南隅元史地理志初平遼東高麗國麟州

神騎都領洪福源率西京都護龜州四十餘城來降各立鎮守司設官以撫其民後高麗復叛洪福源引衆來歸授高麗軍民萬戶徙降民散居遼陽瀋州初創城郭置司存僑治遼陽故城

中統二年改為安撫高麗軍民總管府及高麗  
舉國內附又以質子淳為安撫高麗軍民總管  
分領二千餘戶理瀋陽元貞二年併兩司為安  
撫高麗軍民總管府仍治遼陽故城又瀋陽等  
處怯哈千戶所元至  
治元年置舊址無考

廢瀋陽中衛署

在奉天府城內明洪武二十年置  
今廢又撫順千戶所在撫順城蒲

河千戶所在蒲河城  
並明洪武中置俱廢

遼陽州

安東都護府

舊唐書地理志總章元年李勣平高  
麗初置安東都護府于平壤城上元

三年徙遼東郡故城儀鳳二年又徙於新城聖  
厯元年更名安東都督府神龍元年復都護名

開元二年徙于平州天寶二載又徙於遼西故  
郡城至德後廢按新唐書志唐高宗平高麗  
置都督府九新城遼城哥勿衛樂舍利居素越  
喜去旦建安也州四十二縣百為置安東都護  
府以統之州縣之名唐史未詳所可知者南蘇  
蓋年代那倉巖磨米積利黎山延津木底安市  
諸北識利拂湟拜漠十四州而已元明置安撫  
高麗軍民總管府亦分十四州新城遼城哥勿  
建安南蘇木底蓋年代那倉巖磨米積利黎山  
延津安市與唐府州大槩相同而以高麗人領  
其職則亦非復  
遼東境內矣

# 遼東京宮殿

遼史地理志神冊四年葺遼東故城  
天顯三年升為南京城名天福高三

丈重樓櫓幅闊三十里八門東曰迎陽東南曰  
韶陽南曰龍原西南曰顯德西曰大順西北曰



大遼北曰懷遠東北曰安遠宮城在城東隅高三丈南為三門北以樓觀四隅有角樓相去各二里宮牆北有讓國皇帝御容殿大內建二殿不置宮鎮惟以內省使副判官守之末年廢

遼東丹王宮

在城東北隅元一統志東丹王故宮在遼陽路按本路圖冊在府之東

北有讓國皇帝御容殿有大東丹國新建南京碑銘今無可考

南北市

遼史地理志于都城分南北市中為看樓朝集南市夕集北市街西有金德寺鐵旗

竿皆在焉

金宮殿

在遼陽州城北金史地理志皇統四年立東京新宮寢殿曰保寧宴殿曰嘉會前後

正門曰天華曰乾貞又建宗廟有孝寧宮七年建御容殿

# 華表柱

在連陽州城內相傳丁令威化鶴所集明一統志在都司城內鼓樓東舊有石柱今

湮沒有道觀久廢為倉丁令威詳見本志仙釋  
按華表仙莊為連陽八景之一其二曰龍王  
晚渡相傳東門外太子河岸舊有龍王廟夜間  
常有老翁操舟濟人並不取利月中有見其狀  
貌者頗與龍神相似其三曰神燈孤照城內西  
街昔時人每夜分見有明燈或一或二隱現不  
常其四曰白塔晚晴西門外廣祐寺舊有白塔  
塔間夕輝掩映照人其五曰松柏琴聲西門外  
西會寺舊有古松一株老幹中空內又生柏樹  
一株每遇微風松柏相激其聲若琴其六曰靈  
巖寶山南門外旂嶽廟故址有石阜一處相傳  
昔時每遇風起其阜石自能卓立今已無驗其  
七曰首山樵唱城西南十五里首山昔曾有仙  
人樵採于山夜聞歌聲曲終不見其八曰玉洞

懸珠城東三十里有駱駝洞石洞中圓石如碗虛懸若珠因名為遠陽八景

遠海亭

在遠陽州城內金高士談詩殘雪樓臺山向背夕陽城郭水東西張解詩晴光搖碧

海遠色帶滄洲

今故址無考

蝎臺

在遠陽州城內明一統志在古東京城東北隅金大定中修城後夫毀臺取土及半得石

函啟之中有塊石圓滑天成搖撼作聲破之

二大蝎尾梢相鈎見風即死今臺址無存

景遷堂

明一統志在都司城內元權遠陽府事洪革建革有志于學慕慈母三遷之教故名

山東周

正為記

釣魚臺

在遠陽州南三十里相傳為渤海游觀之處

仙人臺

在遼陽州千山香巖寺相傳為仙人對奕之所登者胸腋滄海如在几席之下

唐紀功石

在遼陽州駐蹕山新唐書高麗傳太宗破高麗國破陣狀勒石紀功

雪菴塔

元僧雪菴破募舍利塔在千山香巖寺塔若二石臼相合內注水四時不竭亭一

孔可入手探得圓石然不能出也

遼陽等處行中書省

元火地理志至元二十四年立今廢又遼陽等處怯哈千

戶所至治二年置今廢址無考

廢都司署

明洪武四年置定遼都衛八年改遼東都指揮使司在城內今廢定遼中衛明

洪武十七年置在城內定遼左衛定遼右衛定遼前衛以上三衛俱明洪武四年置為千戶所

十年陞為衛在城內今並廢定遠後衛明洪武  
四年初置衛治于得利羸城八年改移城內今  
亦廢東寧衛明洪武十九年置轄  
六千戶所亦在城內今廢址無存

廢行太僕寺

明洪武十三年建在  
都司治西南今廢

廢苑馬寺

明永樂五年建在  
都司治西今廢

廢自在州署

明永樂七年置初在開原  
城內後徙都司城內今廢

海城縣

煉丹臺

相傳仙人白仲理煉神丹之  
處在城西二十里四臺子

洗馬澗

相傳唐尉遲恭洗馬  
於此即城南八里河

棚戟泉

相傳唐薛仁貴棚戟於此泉水湧出在城西南二十五里

管公屯

相傳管寧依公孫度時寓此在城西北五十五里新廣子

蓋蘇屯

唐高麗蓋蘇人所居故名在城西北三十里耿家莊

鄧家臺

建置年月未詳

遠澤

新唐書高麗傳李勣聞遠東城帝次遠澤詔疾隋將士露體

廢海州衛署

明洪武元年置今廢在縣城南

蓋平縣

元菟亭

漢王莽置年月無考

廢益州衛署

元延祐五年置益州等處怯恰千戶所明洪武九年廢所置益州衛在城

內北隅

今並廢

開原縣

黃龍塞

唐書界丹傳逃之潢水之南黃龍之北遼史地理志上京北帶潢水南控黃龍慕容

處也唐時置黃龍戍今謂之黃龍岡去城北三十

里

花露臺

有二一在縣南四十里一三十里相傳邑中有姻家以華麗相尚各築一臺自矜建

置之年無考案漢時遼東有華麗縣所謂花露臺歟即華麗縣遺址露麗音相似遂致訛誤

而後人益加附會不詳其本耳

### 廢三萬衛署

明洪武二十二年置在城內今廢明一統志渤海為上京龍泉府金改上

京會寧府按渤海時為扶餘府金會寧府在今吉林烏拉之東明時衛治以雅克薩山為界明一統志誤

### 廢遼海衛署

在開原縣城內故三萬衛治東北明洪武二十一年置初治牛家莊二十

六年徙治于此

### 廢安樂州署

明永樂七年置在城內今廢又開原等處怯哈千戶所元至治元年置今

並廢



鐵嶺縣

漢牧師官

鐵嶺本襄平縣地於此置牧官

唐王營

在帽峯山東南地平如掌相傳唐征高麗安營於此

廢鐵嶺衛署

明初置鐵嶺衛於今縣城東五百里洪武二十六年徙今城內今廢又懿

路千戶所在城南六十里懿路城內明洪武二十九年調鐵嶺左右二千戶所於懿路城永樂八年調中千戶所於懿路城又范河千戶所在城西南三十里明正統年設中左千戶所今廢

復州

永寧監

在復州北明永樂五年設遼東苑馬寺七年建永寧監城置監於此全遼志明初遼

東設監六曰昇平新昌遼河長平安市永寧苑  
二十四曰甘泉安山河陰古城夾河龍臺耀州  
駝山黃山沙河馬鞍山城平川新安廣安平山  
南豐高平長川名山復州龍潭清河深河後俱  
廢維存永寧一監清河  
深河復州名山四苑

### 廢復州衛署

明洪武十四年  
置在城內今廢

### 寧海縣

即金  
州

### 哈斯罕關

今在寧海縣南十八里元至元二十六  
年分京師應役新附軍一千人屯田哈

斯罕關東荒地即指此  
原作台斯罕猛安今譯改並詳郎縣注

### 鴻臚井

唐鴻臚卿崔忻所鑿在旅順  
口黃山之麓刻字於石上

旅順古井

南近海井中有鐵索懸樹上不詳所始

廢金州衛署

明置在城東北隅又中右千戶所明置今俱廢

錦州府境內宮殿官署名勝諸古蹟

錦縣

即古孤竹國

令氏亭

舊志稱孤竹國有孤竹城今支城令氏亭建置何代無考

和龍宮

在錦州西十六國春秋慕容皝作龍城時有二龍合在一山交首皝就見之大悅

改所築宮曰和龍宮

白雀園

十六國春秋慕容盛時有異雀素身綠首棲翔東園因改其園曰白雀以表其瑞

甘露殿

十六國春秋慕容皝築龍城慕容熙復於龍城建甘露殿及景雲山逍遙宮連房數

百觀閣相交鑿渠引水為曲光海清涼池

五柳戍

唐時所設在營州南

梳妝樓

在城西北三十里了八石相傳遼蕭太后建山上九石柱猶存

花兒樓

在城東北四十里所建未詳

漢西部都尉治

舊志稱古山戎國為漢西部都尉治

廢廣寧中屯衛署

在城內明洪武二十四年改州置衛初治東關驛二十五年移

置於此又廣寧左屯衛在府治西亦洪武二十四年置各領五千戶所今俱廢

廢廣寧右屯衛署

在錦縣東南七十里俗訛為牛頭衛本元間陽縣之臨海鄉明

洪武二十六年置廣寧右屯衛於十三山堡明年移此葺公主塞故址以為衛治永樂中築城周四里有奇門三又廢大凌河千戶所在城東四十里廢松山千戶所在城南十八里廢塔山千戶所在城西南六十里俱明宣德三年置今廢

寧遠州

長塹

相傳即秦時長城故址又有高麗長城新店書太宗使長孫卿毀京觀高麗王建武懼乃

築長城起扶餘西南屬之海

望夫臺

相傳姜女望夫處

桃花島

金史地理志興城隸錦州有桃花島今在州城南海上明初海運泊船處

廢寧遠衛署

在寧遠州城內明宣德三年置全遠志衛與古瑞州錦州接壤本廣寧前

屯中屯二衛地永樂初大寧淪沒而虹螺山始入外境於是利州之墟荆條之陽戎馬馳驅歲

相抄掠總兵巫凱都御史包懷德上狀乃割二州之地於曹莊湯池之北建衛治賜名寧遠統

五千戶所又於城東五十里別置中左千戶所於城西南三十里小沙河別置中右千戶所又

廢前屯衛在城西南三十里廢中前千戶所在城西南一百六十五里廢中後千戶所在城西

南八十里今俱廢

廣寧縣

明遼王府

在廣寧城內西北隅明洪武二十五年封遼王於此永樂初徙封荊州府久廢

按寧獻王太祖第十七子洪武二十四年封又二年就國大寧古義州之地在喜峯口外今遼

宮府遺址又在廣寧城中未詳何時移此

紫蒙戍

紫蒙晉慕容氏始興之地唐時十二戍之一屬幽州都督府今廣寧縣北邊

唐壘

明一統志在城南三十里唐太宗駐兵之地

誓臺

在城東三十里相傳唐太宗誓師所築按唐書高麗傳太宗大享士幽州之南使長孫

無忌誓師而廣寧乃營州也則誓師不應在此

覽秀亭

在醫巫閭山西麓其地高爽可以登覽山河之秀故名

障鷹臺

在閭山西  
南第一峯

望海堂

遼東丹王耶律倍所築倍好讀書購書數萬卷築堂閭山之頂額其堂曰望海遺址

尚存

遼人皇王影殿

遼世宗建在閭山之東南遼史地理志大同元年世宗親護人皇王

靈駕歸自汴京以人皇王愛醫巫閭山水奇秀因葬焉中作影殿制度極其宏麗今已無存

凝神殿

在廣寧縣遼史地理志乾州奉景宗乾陵有凝神殿又置奉陵縣括諸落帳戶助營山

陵今廢  
無考

鎮東堂

在州城內鼓樓西  
明巡撫王翱建



廣寧路總管府

元史地理志初立廣寧行帥府事後遷治臨潢立總管府至元六年

降為東京路總管府屬郡十五年復分為路行總管府事

廢廣寧中衛署

在城內又有左衛右衛俱洪武二十七年置初治大凌河永樂元年

徙治於此後皆廢

義州

遼中京宮殿

遼史地理志聖宗常過七金山土河之濱南望雲氣有郭郭樓閣之狀因

議建都擇良工於燕薊董役二歲郭郭宮拔樓閣府庫市肆廊廡擬神都之制統和二十五年號曰中京府曰大定皇城中有祖廟景宗承天皇后御容殿城池湫濕多鑿井泄之人以為便

大同驛以待宋使朝天館待新羅使來賓館  
待夏使金海陵貞元初改遼中京置北京

釣魚臺

在北門外明一統志給事中賀欽築

鮮卑故庭

三國志魏武帝征遼東涉其地

松陁

舊志營州西北百里有松陁

金甸

遼時其地生金遼火地理志木唐清山縣境置金源縣按唐金源縣應在喀喇沁右翼

界

三座塔

在城西南一百五十里建置之年無考

廢義州衛署

在城內明洪武二十二年置今廢

吉林境內宮殿官署名勝諸古蹟

吉林

古越喜地

得勝陀

卽額特赫噶珊金太祖誓師之地國語額特赫勝也噶珊國語解見吉林山川卷原

作忽土噶葛

寶今譯改

芍藥池

在城西南四百餘里有芍藥一木春暮花開爛漫相傳乃

國初時舊植花池甃

磚依稀可辨

寧古塔

金上京宮殿

大金國志國初城郭散居呼曰皇帝寨國相寨太子莊後昇曰會寧府建

為上京其遠之上京改作北京城邑宮室無異  
中原州縣廨宇制度草創又云皇統六年春三  
月上以上京會寧舊內太狹役五  
路工匠撤而新之規模悉倣汴京

### 乾元殿

金史地理志天會三年建  
天眷元年更名皇極殿

### 慶元宮

金史地理志天會十三年建殿曰辰居門  
曰景暉天眷元年安太祖以下御容為原

廟金史本紀

熙宗天眷元年八月以京師為上

京府曰會寧舊上京為北京十月以康宗以上

畫像工畢奠獻于乾元殿十二月新宮成二年

九月初居新宮立太祖原廟於慶元宮皇統三

年初立太

廟社稷

### 朝殿

金史地理志天眷元年建殿曰敷德門曰延  
光寢殿曰宵衣書殿曰稽古又有明德宮明

德殿熙宗嘗享太宗御容于此太后所居也

涼殿

金史地理志皇統二年構門曰延福樓曰五雲殿曰重明東廡南殿曰東華次曰廣仁西

廡南殿曰西清次曰明義重明後東殿曰龍壽西殿曰奎文時令殿及其門曰奉元又有泰和

殿武德殿

薰風殿

天開殿

金史地理志其行宮有天開殿約羅春水之地也有混同江行宮又太廟社稷皇統

三年建正隆二年毀蒙古語約羅阜鵬也原作父刺今譯改

天元殿

金史地理志原廟天眷元年以春亭名天元殿安太祖太宗徽宗及諸后御容春亭

者太祖所嘗御之所也天眷二年作原廟皇統七年改原廟乾文殿曰世德正隆二年毀大定

五年復建

太祖廟

興聖宮

金史地理志德宗所居也天德元年名曰興德宮後更名永祚宮睿宗所居也光興

宮世宗所居也正隆二年命吏部郎中蕭彥良盡毀宮殿宗廟大族邸第及儲慶寺平其址耕墾之大定二十一年復修宮殿建城隍廟二十三年以甃束其城

皇武殿

金世宗打毬校射之所金史本紀大定二十五年上在會寧府謂羣臣曰上京風物

朕自樂之祖宗舊邦不忍捨去後數日宴宗室于皇武殿曰朕尋常不飲酒今日甚欲沉醉此樂亦不易得也宗室故老以次起辭進酒上曰吾來數月未有一人歌本曲者吾為汝等歌之命宗室子弟皆坐殿上聽朕自歌其辭羣臣宗戚皆稱萬歲

雲錦亭

又有臨濟亭並金世宗建為龍鷹之所金史地理志在阿勒楚喀水側正隆時海陵

畫沒宮廟平其址大定二十一年世宗復修之阿勒楚喀原作按出虎今譯改並詳古蹟二

注

翠微宮

北盟會編矩古貝勒寨第三十九程至館去上京尚十里餘翌日馬行可五七里一

望平原曠野又一二里云近闕去織蓋復北百餘步有阜宿園繞高丈餘皇城也至門就龍臺

下馬行入宿園朝見即捧國書自山棚東入左曰桃

源洞右曰紫極洞中作大牌題曰翠微宮高五

七尺以五綵間結山石及仙佛龍象之形殿七間甚壯額曰乾元殿階高四尺許階前作壇方

數丈名龍墀

# 烏舍寨

許元宗奉使行程錄自黃龍府東行二百十里至古烏舍寨寨枕混同江湄寨前高岸有柳樹沿路設行人幕次于下金國太師李靖所居靖累使宋朝此排中頗飲食精細時當仲夏藉樹蔭俯長江繁薄少頃殊忘鞍馬之勞

# 八角井

在舊宮東北石甃八角井欄猶存常有光自井出掘之得鉄砧二枚古鏡二圓雍正四年井中淘得銀牌一面鐫人姓名功績

# 歐孝子里

在寧古塔城東舊志明監生歐某家有妖狐為患有善治者燻死數狐老狐益引黨類作祟已魁殺賊獲十餘人復聲言將殺歐某之母屢至危殆歐某割股以進俄聞狐語曰此人割股孝親天已增其母十年矣遂去不復為患後十年母以壽終



廢軍民萬戶府

元史地理志海蘭等路設軍民萬戶府五今俱廢無考

蒙古屯田萬戶府

元史地理志在肇州今無考

黑龍江境內宮殿名勝古蹟

呼倫布雨爾

龍眉宮

遼史地理志太祖取天梯博羅等三山之勢于葦甸射金甌箭以識之謂之龍眉宮

神冊

三年城之名曰皇都天顯十三年更名上

京府曰臨潢

按遼金皆有五京金三京在奉

天錦州境而遼為東京中京以上京遠在徽外

故前志不及或并未能詳其處所然考遼史志

云臨潢府本漢西安平之地故屬遼東郡而唐

地理志云營州北四百里至湟水湟水即潢水

宋薛映所記自中京北行凡三百七十里渡  
潢水則與唐書同又行凡二百三十里至臨  
潢河則六百里耳合之今日地圖則開原廣  
寧之北及白都訥之西北境並契丹故城而  
上京臨潢府當在今呼倫布爾車臣汗之  
間述志所謂沫流河自西北南流繞京三面  
則今烏爾繖河也志有大神淀興國忠民等  
湖及涼淀則今呼倫池布爾池者是也洮  
水流入曲江則入於松花口也所云潢水則  
自布爾爾池流出之奎河也其穆固圖爾山  
則昔之木葉山也木葉山近接潢水今穆固  
圖爾山亦切傍奎河而計其道里去開原邊  
外北境視唐書薛映所記亦不殊遠然則遼  
之上京臨潢府固可按籍而得而且宜為志  
遼東者所必及也故特  
著於此並為詳証焉

欽定四庫全書

卷一百四

開皇殿

速史地理志天顯元年平渤海歸乃展郭建宮室名以天贊起三大殿曰開皇安

德五齋又于內城東南隅建天雄寺奉安烈考宣簡皇帝遺像是歲太祖崩應天皇后于義節寺斷腕寔太祖陵即寺建斷腕樓樹碑焉太宗援立晉遣宰相馮道劉煦等持節具鹵簿法服至此冊上太宗及應天皇后尊號太宗詔蕃部並依漢制御開皇殿闕承天門受禮因改皇都為上京其北謂之皇城周廣順中胡峴記曰上京西樓有邑屋市肆交易無錢而用布有綾錦諸工作宦者翰林伎術教坊角觝儒僧尼道士中國人并汾幽薊為多宋大中祥符九年薛映記曰上京者中京正北八千里至松山館七十里至崇信館九十里至廣寧館五十里至姚家寨館五十里至咸寧館三十里度潢水石橋旁有饒州唐于契丹嘗置饒樂今渤海人居之五

十里係和館度黑水河七十里宣化館五十里  
長泰館館西二十里有佛舍民居即祖州又四  
十里至臨潢府自過崇信館乃契丹舊境其南  
奚地也入西門門曰金德內有臨潢館子城東  
門曰順陽北行至景福門入至承天門內有昭  
德宣政二殿與纒廬皆東向臨潢西北二百餘  
里號涼淀在饅頭山南避暑之  
處多豐草掘地丈餘即有堅冰

### 西樓

遠火地理志祖州天成軍太祖秋獵多於此  
始置西樓後因建城幅員九里門東曰望京  
南曰大夏西曰液山北曰興國西北  
隅有內城殿曰兩明內南門曰興聖

### 東樓

遠火地理志龍化州興國軍舊稱龍庭太祖  
于此建東樓天祐元年增修東城制度頗壯  
麗為春時行帳所駐又永州永昌軍太祖于此  
建南樓乾亨三年置州冬月牙帳多駐此按

五代史遼太祖建有北樓且諸樓道里與遼史志所載遠近不同今舊志既不稱有北樓而三樓又近接一處姑存之以俟闕疑

陵墓

附

奉天府各屬

本朝

多羅武功郡王禮敦墓

在興京

三永陵

左每歲清明除夕附祭盛京內部內務府司其事

多羅恪恭貝勒塔察芬古墓

在興京

永陵

右每歲清明除夕附祭  
盛京禮部內務府司其事

克勒郡王岳託墓

在承德縣南五里白塔西乾隆  
八年四十八年俱有

御製酌克勒郡王園寢詩恭載  
天章門

額亦都墓

在承德縣東十五  
里乾隆八年有

御製酌功臣額亦都墓詩四十三年四十八年有  
御製賜奠額亦都墓詩俱恭載  
天章門

費英東墓

在承德縣北五  
里乾隆八年有

御製開國佐運勲臣揚古利費英東額亦都墓在  
三陵之間松楸相望猶見當日

君

臣相得之際感而賦詩十九年有

御製過功臣費英東揚古利等墓題句詩四十三年四

十八年有

御製賜奠費英東墓詩俱恭載

天章門

揚古利墓

在承德縣北十一里乾隆四十三年四十八年俱有

御製賜奠功臣揚古利墓詩恭載

天章門

圖爾格墓

在承德縣城東十五里

超哈爾墓

在承德縣城東十五里

徹克墓

在承德縣城東拉古峪

巴拜墓

在承德縣城東七十里

魯克什墓

在承德縣城東一百二十里

錫罕墓

在承德縣城東古石溝

覺羅色勒墓

在承德縣城西五里

安費揚古墓

在承德縣西十里藍家屯

鄂謨克圖墓

在承德縣城西十五里

舒賽墓

在地德縣城西十五里

西喇布墓

在承德縣小南關外



和碩圖墓

在承德縣城南五十里

何和里墓

在承德縣城南六十里

阿蘭珠墓

在承德縣城南八十里光山屯

明安墓

在承德縣城北五里

伊遜墓

在承德縣城北五里

圖魯什墓

在承德縣城北柳條河側

衛齊墓

在承德縣城北十里

楞額禮墓

在承德縣城北十里

納爾察墓

在承德縣城北  
十里瓦窑子

達珠瑚墓

在承德縣城北  
十里二臺子

伊爾登墓

在承德縣城北  
十里毛鎮屯

達海墓

在承德縣城  
東南五里

博爾晉墓

在承德縣城  
西南十里

雅希禪墓

在承德縣城東  
北十里曾家屯

安達立墓

在承德縣城  
西北十里

遜達哩墓

在承德縣城  
西北十里

莊親王舒爾哈齊墓

在遼陽州東京城東北五里

穎毅親王薩哈璘墓

在遼陽州太子河南平頂山下

勇壯貝勒穆爾哈齊墓

在遼陽州東北百二十里響山

安平貝勒杜度墓

在遼陽州東北百二十里響山

達爾察墓

在遼陽州東京城北

孔有德墓

在遼陽州東南十里

朋春墓

在遼陽州東北八十里

尚可喜墓

在海城縣東南十里

耿仲明墓

在益平縣連陰峪

錦州府

秦

姜女墳

在寧遠州老軍屯

遼

遼太祖陵

本在木葉山今有司於廣寧望祭

景宗陵

在廣寧醫巫閭山

顯陵

在廣寧縣醫巫閭山即遼太祖長子人皇王耶律倍墓世宗時諡讓國皇帝尊為顯陵

乾陵

在廣寧縣醫巫閭山遼景宗葬此

豫王墓

在廣寧縣醫巫閭山遼天祚帝入金降封豫王葬乾陵旁

平王墓

遼人皇王子隆先封平王葬醫巫閭山之道隱谷以上諸陵墓今皆湮

金

懷節皇后墓

在廣寧縣醫巫閭山

甄妃墓

在廣寧縣醫巫閭山

元

穆呼哩墓

明一統志在廣寧左屯衛東北二十里按舊志載墓有揭奚斯撰碑可據遼

志以為穆呼哩孫巴圖魯墓非是 穆呼哩原  
作木華黎巴圖魯原作霸突魯今俱譚改並詳

人物  
卷

王珣墓

在義州西  
四十里

王榮祖墓

在義州南  
四十里

明

楊惟藩墓

在寧遠州  
前屯衛

宮守禮墓

在寧遠州  
前屯衛

楊照墓

在寧遠州  
前屯衛

賀欽墓

在廣寧縣醫巫閭山光明谷

本朝

尹泰墓

在錦州東北二十里

尹繼善墓

在錦州東北二十里

吉林

金

輝陵

永陵

定陵

喬陵

皆金先世尊為陵者在寧古塔境

羅索墓

在林城西二百里博屯山有金元邵王廟碑彷彿可辨羅索原作委室今譚

改並詳人物卷

完顏希尹墓

金章宗時以其始造國書因為立廟上京歲祀之墓在寧古塔境內

海古勒城古墓

舊志在寧古塔境內本金上京之地順治初阜塚忽陷地宮中多殉

葬之物考金史金太祖初葬於海古勒城西其後王公貴人多葬其地惜名誌無可辨耳

古賢者墓

在三姓地碑鐫古賢者墓不能詳何人



黑龍江

唐

大賀氏勒得王墓

在黑龍江境內  
今舊址無考

謹案舊志載復州東十里有高麗王子東明墓

前屯衛北有古李王墓前屯衛北有大王墓鐵

嶺東北樛木嶺有金侍郎墓年代名字俱無可

考應悉從刪而仍附識於卷末

欽定盛京通志卷一百四

欽定四庫全書

史部

欽定盛京通志卷一百五十五

七

侍郎臣劉躍雲覆勘

總校官編修臣朱鈴

欽定四庫全書

欽定盛京通志卷一百五

風俗

奉天各屬

吉林各屬

黑龍江各屬

風俗總載

風俗附識



欽定四庫全書

欽定盛京通志卷一百五

風俗

臣等謹按施于上為風成于下為俗我

朝基迹大東

太祖高皇帝躬擯衣以教儉親射柳以訓武至于

太宗文皇帝之世設館崇文彬彬乎禮樂之化焉伏讀

御製土風諸詠追洵穆之初嘉淳樸之尚俾舊德先疇

率由勿墜

留都之地比戶可封書曰協和萬邦黎民於變時雍  
詩序所謂風自近以及遠豈不信歟謹志風俗

第三十五

欽定四庫全書

欽定盛京通志卷一百五

風俗

奉天府各屬

興京

性情勁樸不事文飾射獵尤嫻

承德縣

舊俗性樸實氣剛健習禮樂尚詩書今士習醇良

民風樸茂近都邑者尤見衣冠文物之盛

遼陽州

舊俗勇敢善騎射淳樸力農今農知務本土尚橫  
經

海城縣

舊俗性剛好獵質多文少今謹身率教守法奉公  
盖平縣

舊俗氣質勇健勤於耕藝今男務耕耘女勤紡績



文風既振曠土日開

開原縣

舊俗賦性質實務農習射今里有仁風戶聞弦誦

鐵嶺縣

舊俗風氣剛果習尚敦龐今彌宗節儉知敦禮讓

復州

東海遺風頗習禮讓

寧海縣

利擅魚鹽俗勤耕織

岫巖城

旗民淳樸男務耕耘女勤績紡文風漸振曠土益  
開

鳳凰城

地近東陲民氣淳樸通商貿易屢井富殷

錦州府各屬

錦縣

舊俗士多慷慨重氣節弦誦成風今人文蔚起民  
俗懋淳

寧遠州

舊俗賦性質直亦習文藝今務農力作尚信義重  
詩書

廣寧縣

舊俗渾樸敦本而不逐末今士勵廉隅民安勤儉

義州

氣剛性樸騎射素嫻

吉林各屬

吉林

精騎射重誠信雅好詩書有質有文

寧古塔

性直樸善畋獵不務紛華敦尚信義

白都訥

人貴樸誠羣精騎射習俗簡畧

三姓

諳水性喜畋獵

阿勒楚喀

勤耕作嫻園獵

琿春

儉樸相尚畋獵擅長

黑龍江各屬

齊齊哈爾

性質樸好射獵兼習禮讓務農敦本而不逐末

墨爾根

民性勁質務農之餘熟嫻騎射

黑龍江

風氣醇古人樸厚好騎射

呼倫布爾

人勁勇性質直耕藝日勤漸成幹止

風俗總載

箕子教民以禮義田蠶織作犯禁八條民不相盜  
無門戶之閉婦子貞信可貴哉仁賢之化也

前漢書地

理志

昔箕子避地朝鮮始其國俗未有聞也及施八條  
之教使人知禁遂乃邑無淫盜門不夜扃回頑薄  
之俗就寬畧之法行數千百年以柔謹為風有若  
箕子之省簡文條而用信義得聖賢作法之原矣

後漢

書

舊風純直其祭天地敬親戚尊者老接賓客信朋

友禮意款曲皆出自然

金史

俗無市井以射獵為業

元史地理志

性剛果善騎射

元一統志

人性淳實務農桑習文禮

明一統志

風肫實氣剛健習禮讓敦詩書

奉天府志

人多慷慨尚氣節有墨胎氏之遺風

錦州府志

性質樸果決好耕植之餘勤於騎射弋獵兼習禮



讓務農敦本

一統志黑龍江風俗

勤儉畏法長於騎射

通志

風俗附載

夫餘善射其人彊勇謹厚以弓矢刀矛為兵

後漢書

夫餘以臘月祭天大會連日飲食歌舞名曰迎鼓

有軍事亦祭天

後漢書

謹按滿洲國俗有每月祭

天及春秋大祭之禮又出師凱旋有列燄祭

天之禮與此相

合

夫餘食飲用俎豆會同拜爵洗爵揖讓升降

後漢書

挹婁衆雖少而多勇力又善射發能入人目弓長

四尺力如弩矢用楛長一尺八寸青石為鏃

後漢書

謹按肅慎楛矢國語孔子家語皆稱長人有咫者乃指石鏃而言自後漢書以下乃皆云矢長一尺八寸夫以四尺之弓而矢僅尺餘恐無是理

挹婁人似夫餘而言語各異

後漢書

馬韓其人壯勇知田蠶不貴金寶錦罽辰韓知蠶

桑嫁娶以禮行者讓路并辰人皆長大而刑法嚴

峻後漢書

馬韓常以五月田竟祭鬼神晝夜會聚歌舞輒數

十人相隨踏地為節十月農功畢亦如之後漢書

神之禮

謹按滿洲祀有朝祭夕祭奏三弦琵琶鳴拍板司組人等羽掌

以和夕祭則司祝束腰鈴執手鼓前後盤旋踟步凡朝夕祭皆有歌祝之辭又

國朝舊俗喜起舞宴樂每用之謂之瑪克紳後漢書

所記考之三國志晉書所載畧同雖未必盡合

其禮意則相似也又按滿洲舊俗田苗長時有祭田苗神之禮至秋收後又有場院之祭

馬韓布袍革履弁辰衣服潔清後漢書

辰韓名國為邦乃為弧賊為寇行酒為行觴相別

為徒有似秦語并辰與辰韓言語有異

後漢書

三韓諸國邑各以一人主祭天神號為天君又立

蕪塗建大木以懸鈴鼓事鬼神

後漢書

謹按滿洲祭祀典禮家各設立司祝與此所云以一人主祭者相合建大木之儀又與滿洲立

**神** 杆為索 序與蕪塗音亦相近又滿洲祭祀有神鈴及腰

**神** 杆惟夕 祭儀有大小鈴七枚繫於樺木桿梢懸於架梁

鈴手鼓等與此所云鈴鼓亦合但並不懸於之西與史所載有不同耳

東沃沮人性質直彊勇便持矛步戰

後漢書

濊能步戰作矛長三丈或數人共持之

後漢書

濊常用十月祭天晝夜飲酒歌舞名之為舞天

後漢書

書

濊人不相盜無門戶之閉婦人貞信飲食遵豆少

嗜慾俗重山川各有部界知種麻養蠶作綿布候

星宿豫知年歲豐約

後漢書

夫餘衣尚白白布大袂袍袴屨革踏出國則尚縞

綉錦罽大人加狐狸狽白黑貂之裘以金銀飾冒

三國

志

夫餘有宮室倉庫牢獄作城柵皆員

三國志

馬韓其俗好衣幘下戶朝謁皆假衣幘自服印綬

衣幘千有餘人以璆珠為財寶或以綴衣為飾衣

布袍足履革蹻躡弁辰衣服潔清

三國志

馬韓其人性強勇弁韓便步戰兵伐與馬韓同

三國

志

馬韓其民土著種植知蠶桑作綿布弁辰曉蠶桑  
作縑布嫁娶以禮男女有別行者相逢皆讓路法

特巖峻有瑟其形似筑彈之有音曲

三國志

東沃沮飲食居處衣服有禮節滅人性愿慤少嗜

慾有廉恥

三國志

肅慎氏夏則巢居冬則穴處無井竈作瓦鬲受四

五升以食無鹽鐵燒木作灰灌取汁而食之

晉書

謹按南北朝史稱鹽凝於木皮之上又有鹽池而食時率賓以東食海鹽會寧珊瑚爾哈等路食

肇州鹽則肅慎地未嘗無鹽或所言  
凝於樹上之鹽亦須煎煉乃成耳

肅慎氏一名挹婁有石努皮骨之甲檀弓三尺五

寸楛矢長尺有咫

晉書

肅慎以言語為約野處而不相犯

晉書

夫餘俗出使乃衣錦罽馬韓賁瓔珠用以綴衣布

袍履革屨

晉書

馬韓性勇善用弓楯矛櫓雖有攻戰而貴相屈服

弁韓其風俗類馬韓其兵器亦與之同

晉書



新羅甲兵同於中國選人壯健者悉入軍烽戍邏

俱有七管部伍風俗刑政與百濟同每八月十五

日設樂令官人射賞以馬布

北史

勿吉勝兵數千多驍武黑水部尤勁矢皆石鏃人

皆善射以射獵為業

北史

百濟之秀異者解屬文能吏事又知醫藥著龜與相

術陰陽五行法有鼓角塋篳篥箏箎笛之樂

北史

百濟書籍有五經子史

舊唐書

渤海靺鞨有文字及書記太和七年遣學生三人  
請赴上都學問先遣學生三人事業稍成請歸本

國許之

舊唐書

黑水靺鞨人勁健善步戰射獵

新唐書

新羅好祭山神重元每以其日拜神

唐會要

弁辰與辰韓風俗相似祠祭鬼神有異施竈皆在

戶西

文獻通考

神亦問隨土俗山川而異蓋各盡敬以溯本源則一也竈

謹按滿洲祭祀各姓徽有不同夕祭所奉之

為祭祀烹飪所用必在祀神室之中間  
屋內而開戶近東故以為在戶西耳

渤海知書契習識古今制度號為東海盛國

文獻通考

女真俗勇善射能為鹿鳴以呼羣鹿而射之

文獻通考

謹按今哨鹿之制以木為哨具又象鹿之首戴  
之使鹿不疑惟精於獵者能之詳見

御製哨鹿賦

女真部族皆處山林有屋居廬舍門皆於山墻下

闢之耕鑿與渤海人同無出租稅

契丹國志

女真人無定居行以牛負物遇雨則張韋為屋

契丹

國志

女真其人朴勇每出戰皆被重札精於騎射從古

以來無盜賊詞訟之事

契丹國志

粟末靺鞨後為渤海傳十餘世有文字禮樂官府

制度

金史

女真人不得學南人裝束

金史輿服志

黑水舊俗隨水草以居遷徙不常獻祖乃耕墾樹  
藝治築室有棟宇之制舊無書契無約束昭祖稍

條教為治部落寔強初諸部各有信牌穆宗用太祖議擅置牌號者寘於法自是號令乃一民聽不疑矣自景祖以來一切治以本部法令金蓋盛於

此

金史  
世紀

金因遼俗以重五中元重九日行拜天之禮重五於鞠場中元於內殿重九於都城外具制刳木為盤如舟狀赤為質畫雲鶴文為架高五六尺置盤其上薦食物其中聚宗族拜之

金史

金世宗大定十三年三月乙卯上謂宰臣曰朕時  
常見女真風俗迄今不忘今之燕飲音樂皆習漢  
風蓋以備禮也非朕心所好東宮不知女真風俗  
第以朕故猶尚存之恐異時一變此風欲一至會  
寧使子孫得見舊俗四月乙亥上御睿思殿命歌  
者歌女真詞顧謂皇太子及諸王曰朕思先朝所  
行之事未嘗暫忘故時聽此詞亦欲令汝輩知之  
汝輩自幼惟習漢人風俗不知女真純實之風至

於文字語言或不通曉是忘本也汝輩當體朕意  
至於子孫亦當遵朕教也十六年正月上與宰執  
論古今興廢事曰女真舊風最為純直雖不知書  
然其祭天地敬親戚尊耆老接賓客信朋友禮意  
款曲皆出自然其善與書所載無異汝輩習學之  
舊風不可忘也二十三年八月繹經所進所譯易  
書論語孟子老子揚子文中子及新唐書上謂宰  
臣曰朕所以令譯五經者正欲女真人知仁義道

德所在耳今頒行之二十五年四月上謂羣臣曰  
上京風物朕自樂之每奏還都輒自感愴祖宗舊  
邦不忍舍去又慰宗室戚屬曰大平歲久汝等皆  
奢縱往往貧乏朕甚憐之當務儉約無忘祖先艱

難

金史

金世宗謂大臣曰國初風俗淳儉居家惟布衣非  
大會賓客未嘗輒烹羊豕二十七年禁女真人不  
得改稱漢姓及學南人衣裝有犯者抵罪

金史



金世宗謂宰臣曰會寧乃國家興旺之地自海陵  
遷都女真人寢忘舊風非長久之計甚欲一至會  
寧使子孫見舊俗庶幾效習之二十二年勅西北  
路招討司勒明安穆昆官督部人習武備二十六  
年又謂右丞相原王曰爾嘗讀太祖實錄乎太祖  
征瑪展襲之至泥淖馬不能進太祖捨馬而步罕  
都射中瑪展遂擒之創業之難如此可不思乎又  
謂宰臣曰西南西北兩路招討司地隘明安人戶

無處圍獵不能嫻習騎射委各明安穆昆官依時

教練

金史 瑪展國語解見吉林山川卷原作麻產罕都解見人物卷原作歡都今並譯改

節序則元曰拜曰相慶重五則射柳祭天

大金國志

金俗好衣白自滅遼臣宋漸有文飾至於衣服尚如舊俗貴賤以布之粗細為別富人春夏多以貯絲綿紬為衫裳亦間用細布冬以貂鼠青鼠狐貉皮或羔皮為裘或作紵絲紬絹秋冬亦衣羊皮或獐鹿為衫袴襪皆以皮

大金國志

女真部其居多依山谷聯木為柵或覆以板與桦皮如墻壁亦以木為之冬極寒屋纔高數尺獨開東南一扉扉既掩復以草綢繆之穿土為牀煨火其下而寢食起居具上道路無行店行者息於民家主人具飲食而納之其市無錢以物博易無工匠屋舍車帳往往自能為之

大金國志

金人舊俗炙股烹臠

奇蒲腓肉也

以餘肉和菜擣臼中

糜爛而進率以為常凡宰羊但食其肉貴人享重

客間兼皮以進曰金羊

松漠記聞

金人舊俗多指腹為婚姻既長雖貴賤殊隔亦不可渝壻納幣皆先期拜門戚屬偕行以酒饌往少者十餘車多至十倍飲客佳酒則以金銀斚貯其次以瓦斚列於前以百數賓退則分餉焉先以烏金銀杯酌飲貧者以木酒三行進大軟脂小軟脂如寒具次進蜜羔人各一盤曰茶食宴罷富者淪建茗留客啖之婦家無大小坐於炕上壻黨羅拜

具下謂之男下女禮畢牽馬百匹少者十匹陳於  
前婦翁選子姓之別馬者視之好則留不好則退  
留者不過十二三女家亦視其數而厚薄之一馬  
則報衣一襲婿皆親迎既成婚留於婦家三年然  
後以婦歸婦氏以奴婢數十戶牛羊數十羣每羣  
九牝一牡以資遣之

大金  
國志

渤海俗每歲時聚會作樂先命善歌舞者數輩前  
行士女相隨更相唱和回旋宛轉號曰踏鋌所居

屋皆就山牆開門

王魯行  
程錄

金景祖始教人燒炭煉鐵剡木為器製造舟車建

屋宇

神農  
記

開元路有狗車木馬輕捷之便木馬形如彈弓長  
四尺濶五寸一左一右繫於兩足激而行之雪中  
冰上可及奔馬狗車以木為之其制輕簡形如船  
長一丈濶二尺許以數狗拽之二者止可於冰上

雪中行之

元一  
統志

黑龍江一夫力作數口仰食而有餘而炊炆浣汲  
舂磴之事婦女並習勤苦故居人置奴婢價嘗十  
倍於中土奴婢多者為富以其能致富也

龍沙  
紀畧

索倫人以射獵為生挽弓皆踰十石嘗自縛於樹  
射熊虎洞身曳之而歸尤善躡蹤人馬有亡失蹤  
之即得越數百里而知蹤之離合且能辨其日次

亦異能也

龍沙  
紀畧

除夕懸弓矢門杙間相傳我

太祖皇帝曾於除夕克強敵

帝業由此以成諸屬國艷頌之遂沿為俗

龍沙紀畧

達呼哩索倫語音與蒙古稍異間雜漢語當是元代軍民府之遺索倫達呼哩諸部涵沐我

朝化澤頗以材武表見

龍沙紀畧

秋盡俄羅斯來互市或百人或六七十人一官統之宿江之西居鹽幕植二旗於門衣冠皆織罽為之易縑布烟草薑椒鎗錫諸物

龍沙紀畧



江冰始獵婦女皆勇決善射

龍沙  
紀畧

欽定盛京通志卷一百五

欽定四庫全書

欽定盛京通志卷一百六

物產

五穀類

衣被類

食貨類

寶藏類

蔬菜類

草類

木類

花類

菓類

欽定四庫全書

欽定盛京通志卷一百六

物產

臣等謹案遼瀋古稱上腴赤玉美珠傳自漢紀  
扶餘之鹿率賓之馬湄沱之鯽東海之俊禽以  
及嘉穀靈草豐貂之屬備載前史我

列祖龍興東土王氣所鍾百物阜昌伏讀

御製土產諸什飛潛動植之靈林麓山海之產益仰見

國家培養之深土風之厚謹誌物產第三十六

欽定四庫全書

欽定盛京通志卷一百六

物產一

五穀類

穀

後漢書夫餘傳土宜五穀挹婁傳有五穀辰韓傳土地肥美宜五穀東沃沮傳背山向海宜五

穀善田種北史高麗傳人稅穀五石一統志穀有名西番者高麗者皆奉天等處產馬西番穀苗高如蜀黍穗如蒲高麗穀火紅色如雞冠高丈許實如蒺藜子取粒作粥香美舊通志穀米有大小二種最大者曰沙穀粒最尖者名芝蔴穀乾隆四十三年有

御製盛京土產詩十二首一五穀恭載  
天章門

梁

較穀米粒大兼有黃白青赤諸色白梁即  
詩經之芑赤梁即爾雅之粱今統曰梁

粟

新唐書黑水靺鞨傳有粟麥今按古以米之  
有稭穀者為粟今以穀之最細而圓者為粟穀

曰飯穀米曰小米考周禮九穀六穀之名有梁  
無粟則梁亦粟也今之小米色黃即黃粱也奉

天錦州以此充賦粟  
粘八旗以上之官

稷

周禮職方氏東北曰幽州其穀宜三種注三種  
黍稷稻北盟會編同州地宜稌黍明一統志作

稌今呼糜子米晚  
種早熟邊地尤宜

黍

稷之粘者為黍今呼大  
黃米可釀酒米粉充貢



蜀黍

種始自蜀今呼高糧土人率多飯此漚為米粉食品所珍歲以充貢又蜀黍入麴燒酒供

祀

私燒

者禁黍稻有工

部壯丁交官

黏蜀黍

一種殼黃一種殼黑與蜀黍無異但性黏又一種筥黍性亦黏穗長可為常

稻

新唐書渤海傳有盧城之稻按稻即詩之稌有紅白二種出遼陽者色微青味尤香美號遼

青陽

黏稻

即糯米亦稱大米性黏味甘香歲有常賦內務府亦以供

祀

按黏

稻可釀酒亦可為拊糲糈糗等食所用頗贍沍為米粉食品尤珍

秫

爾雅謂之衆色赤性黏今稱小黃米亦有色黑性黏者

小麥

北史勿吉傳土多粟麥糠按小麥即詩之來黑龍江所產色最潔白性復宜入麴可充

貢

大麥

即詩之年奉天錦州大小二麥夏無霧雨則收

蕎麥

伏種秋收以黑龍江為良更三四磨者白如雪歲取充貢愛琿麥麴甘香勝中土所產作

餅鬆

美

穬麥

有二種一類小麥而大一類大麥而大黑龍江多種之呼鈴鋪麥麴亦充貢

稗

宜下濕地米最甘滑出黑龍江者良歲以充貢

杭稗

多生杭地味甘滑如杭土人以為杭所化亦以黑龍江所產為佳

玉蜀黍

莖葉似蜀黍子藏包中俗呼包兒米內務府漚粉充貢

薏苡

俗名草珠子米入藥曰薏仁出錦州者尤潔白而粒大

蘇

爾雅謂之桂蔭今有紫白二種收子榨油通用京省

脂麻

即油麻俗呼芝蔴

蓖麻

子斑紅如牛蟲者可入藥歸花者俗名大蔴子二種俱可榨油

火麻

雄曰桑雌曰苴子曰麋可榨油皮漚之為線麻內務府以收于官

大豆

古謂之菽今分黑白黃褐青斑諸色旗地及民丁賦用黑豆

小豆

有鰲白赤黃黑數種赤者入藥

綠豆

粒粗而深綠者為上  
粒潤而淡綠者次之

豌豆

爾雅謂之戎粟  
遼史謂之回鶻豆  
今有大小二種

蠶豆

以蠶熟時有之  
惟此無枝蔓亦呼樹豆  
按豆中

豇豆

莢必雙生有紅白二種  
長而肥者充蔬皮薄者秋成  
食子名打豇

藟豆

色亦不一  
白者入藥

萊豆

如扁豆而莢長者  
可為蔬

刀豆

酉陽雜俎樂浪郡有扶劍豆  
莢生橫斜如人扶劍  
即今刀豆

雲豆

種來自雲南而味更勝  
俗呼六月鮮

# 衣被類

棉

新唐書渤海傳所貴者沃州之棉今遼陽蓋平海城亦多種棉內務府設有棉莊貢棉紡線機

匠織家機布染青藍大紅諸色入貢按海城蓋平宜棉收時尚行遠省使旗民盡事機杼不

必待江南山東之布自然足衣矣

絹

北史百濟傳賦稅以布絹絲麻今復州寧海近海之處間有養蠶織絹者

繭紬

山繭所成海城蓋平復州寧海俱出亞於山東新唐書渤海傳俗所貴者龍州之紬又新

羅傳開元中數入朝獻朝霞紬魚牙紬

布

後漢書挹婁傳有麻布東沃沮傳其租稅布馬韓傳作綿布弁辰傳作縑布晉書肅慎傳績毛

以為布北史高麗傳人稅布五尺新唐書高句麗傳采布帛及皮新唐書渤海傳顯州之布宋會要新羅出大小布毛施布金史地理志遼陽庠師姑布契丹國志女真土產細布寧江州權場以麻布為市大金國志女真惟多織布今奉天等屬亦有績毛為布者

### 食貨類

#### 鹽

瀕海州縣出海邊鹽場有煎鹽有曬鹽寧古塔黑龍江有土鹽會典沿海之地皆民自煮鹽市易凡鹽場二十以州縣佐貳官司其場務不推不幾今內務府及戶部有鹽莊上鹽備用此外永無鹽課以

發

祥重地特優恤之也又相傳東北邊門外有鹽生木皮

上者周禮職方氏東北曰幽州其利魚鹽後漢書東沃沮傳其租稅鹽北史勿吉傳水氣鹽

生鹽於木皮之上亦有鹽池新唐書黑水靺鞨傳有鹽泉氣蒸薄鹽凝樹頗五代史女真其南海曲有魚鹽之利金史遼金故地濱海多產鹽上京東北二路食肇州鹽平賓路食海鹽臨潢之北有大鹽澤烏爾古寶壘郎有鹽池皆足以食境內之民大定二十一年併遼東等路諸鹽場為兩鹽司各行其地北京宗錦之鹽行本路及臨潢府肇州泰州之各與接壤者亦預焉二十四年帝在上海謂丞相烏庫哩元忠等曰舊率濱以東食海鹽夫餘瑚爾哈等路食肇州鹽初定額萬貫今增至二萬七千若罷鹽引添灶戶庶可易得二十五年選自上京謂宰臣曰朕聞遼東凡人家食鹽無引目即以私治罪細民徐買食之何由有引因罷遼東鹽使司元史遼陽乏鹽太宗丁酉年始命北京路徵收課稅所以大鹽泊硤鹽立隨車隨引載鹽之法每鹽一

石價銀七錢半帶納匠人米五升癸卯年海蘭路歲辦課白布二千疋率賓路布一千疋至元四年立間原等路運司三年禁東京鑿州硬鹽不許過塗河界明一統志鹽生樹枝上亦有海鹽

茶

明一統志海州衛出今海城諸山中亦有產土茶者土人採以為茶特味精而薄

銅

元史產銅之所曰大寧至元十五年撥探木一千戶於遼陽錦州採銅硃砂水銀在北京者至正十一年命以率賓人戶於濟喇敏之地採煉

鐵

後漢書辰韓傳凡諸貿易皆以鐵為貨三國志弁辰傳同出鐵用鐵如用錢新唐書渤海傳所

肯者位城之鐵遼史銅山縣產鐵撥戶三百採煉隨征賦輸今各州縣皆有之



水銀

宋會要新羅出水銀元史產硃砂水銀之所遼陽省曰北京

倭鉛

一統志出錦州

煤

出本溪湖諸山生者曰炸子煉去濁烟者曰煤子可代柴炭

硝

城土熬成皮硝可攻皮芒硝可入藥火硝備軍需又鹵地亦可熬城內務府有城莊

蜜

一統志出奉天以東吉林諸山中契丹國志女真土產蜜蠟寧江州權場市蜜蠟

蠟

一統志產黃白二種皆可用

石弩

周時有括矢石弩晉書肅慎傳有石弩其利入鐵明一統志黑龍江口出名水花石堅利

入鐵可作天鐵土人將取者必先祀神今用者少

安石

出混洞江北岸松榆樺等枯枝落  
水沒灌既久堅黑如石可以礪刃

綠礬

俗名黑礬煨赤曰礬紅俗呼紅土與  
山中白土黑土俱備黝堊丹蘄之用

寶藏類

金

元史產金之所遼陽省曰大寧開元至元十三  
年於遼東雙城採金冊府元龜天寶七載黑水

州轄場以珠生金為市明一統志出雙城  
州權場以珠生金為市明一統志出雙城

按遼雙城縣  
今鐵嶺界

銀

元史產銀之所遼陽曰大寧延祐四年遼陽忠  
州銅洞三十六眼立提舉司辦銀明一統志海

州衛出銀按銀治之制始自渤海於鐵嶺置  
銀冶故鐵嶺曰銀州今以

發祥重地不復

採取

東珠

後漢書夫餘傳大珠如酸棗北盟錄宋崇道熙寧之間競尚北珠北珠者北中來椎瑒相

貿易出遼東海漢中每八月望月色如晝則珠必大熟乃以十月方採取珠蚌而北方沅寒九

十月堅冰厚已盈尺鑿冰沒而捕之元史產珠之所曰什達勒達又至元十一年命於松阿

哩江愛琿江採珠今出混同江及烏拉諸江河中生於蚌蛤大可半寸小亦如菽採珠者以四

月往八月歸正月入貢乾隆四十三年有御製盛京土產詩十二首曰東珠恭載

天章門

玉

後漢書夫餘挹婁傳出赤玉三國志夫餘挹婁傳出赤玉太平御覽挹婁出青玉契丹國志女

真土產玉一統志寧古塔出青玉今烏拉寧古塔亦玉不多見也凍青玉則間有之或云輝山

洞中有玉脉出白玉然不能符也

### 松花玉

亦曰松花石出混同江邊砥石山玉色淨綠光潤細賦品埒端歛可充硯材又有浮

金石亦可為硯乾隆四十年有御製盛京土產詩四曰松花玉恭載

天章門

### 寶石

舊通志棘鞞寶石色赤紅大如栗今黑龍江嫩江諸江岸出五色石通明如瑪瑙紅圓者

象含挑或取以飾念珠又黑龍江錫爾哈石可敲火佳者晶瑩如玉映日或成彩

### 珣玗琪

爾雅石之美者有醫巫閭之珣玗琪今不開有此惟小凌河出錦川石有文彩可為

玩人往往得之又平頂山及駱駝洞石刻之有綠文可掣器玩

綠端石

山寧古塔諸河邊

空青

山黑龍江最為難得漁人間獲之必呈諸將軍酬以值遣官齎進或官弁自得者即以進

御泰

其名列

符優賞

蔬菜類

葵菜

北史勿吉傳菜則有葵周書百濟傳土田下濕氣候溫暖有蔬菜之屬按葵種即詩所

稱烹葵及

菽是也

韭菜

禮名豐本土性鬆浮其發光茂

山韭

獨莖一葉詩六月食  
鬱即此爾雅謂之薺

蔥

春發名羊角秋種以白露金  
史地理志海蘭路貢海蔥

山葱

爾雅謂之茗葉似藜凡山韭  
山葱內務府以時採取入貢

薤

本草一名火葱又有  
山薤爾雅謂之薤

蒜

小蒜木中州種大蒜張騫自西  
域攜歸今有紫皮白皮二種

小蒜

生田原間今呼為  
小根菜歲以入貢

菰

俗呼白菜有二種肥厚嫩黃者  
為黃芽白窄勁者為箭捍白

芥

有數種俗以大芥為芽芥以  
馬芥為藏芥白芥子入藥

芹

水旱二種  
赤白二色

藕

鬆脆亞  
於南有

紫堇

味酸花白不結  
子俗呼野芹菜

菠薐菜

唐太宗時呢波羅  
國所獻今呼菠薐菜

碧蓬菜

本草作  
拳菜

蔓菁

爾雅芥頭即蔓菁詩  
謂之葍一名蕪菁

蒿巨

有青赤二色  
俗呼生菜

芸薹

俗呼吳菜  
子可榨油

莧菜

赤白二種  
皆可茹

馬齒莧

本草一名五行菜以其葉青梗赤花黃根白子黑也

原荈

種傳西域  
俗呼香菜

茴香

本草作懷香又云  
內生蟲可治疝

小茴香

西域種也本  
草一名蒔蘿

同蒿

形氣同於  
蒿亦可茹

萋蒿

爾雅作繁詩於以采繁是也今  
呼萋蒿菜內務府採以入貢

蕨

莖色青紫末如小兒拳初生  
時即採入貢每歲仍貢乾者



苦蕒

即詩之荼與芑也禮月令四月苦菜秀即此葉似苦苣而細斷之有白汁花黃似菊根葉

皆可茹俗呼曲馬菜

蓼

種類不一有紫蓼青蓼香蓼赤蓼水蓼木蓼馬蓼之類禮記雞豚魚鼈皆實蓼於腹中而和羹

膳益香蓼也今人但取蓼子生芽亦可茹

花椒

地寒種者頗稀

秦椒

結椒長於棗而上銳生青熟紅味極辛土人多食之又一種結椒向上者名天椒

鹿藿

一名螢豆莢小而薄葉大如椒

芋

俗名芋頭

藜

即藜之紅心者莖長於藜可為杖

灰藜

俗名灰條菜

地膚

爾雅謂之王芻今呼掃帚苗嫩可茹老時可為帚子入藥名地膚子

薺

師曠云歲欲甘甘草先生薺是也開細白花結英如小萍而有三角初生可茹詩其甘如薺即

此

遂

詩言采其遂俗名羊蹄夏至即枯子名金薺麥根似大黃

蘿蔔

爾雅曰蕒蘆葩今以圓而皮紅者為大蘿蔔長而色白者為水蘿蔔子入藥名萊服又一

種色黃曰胡蘿蔔

批藍

南方謂之芥藍葉可擘食故北人謂之批藍

山藥

本名薯蕷亦可入藥

越瓜

種始自越一名稍瓜短者為菜瓜脆者為脆瓜

黃瓜

種來西域今為常蔬又高麗瓜色黃形圓俗呼柿子瓜又有南瓜種出南番又倭瓜種出

東洋今皆為土宜矣

攪瓜

形類倭瓜而小內生筋絲醬醃蜜餞皆宜食時以筋攪取出之似縷切者

絲瓜

瓜時以食墜之則直老則筋如亂絲

冬瓜

本草一名白瓜

壺盧

即瓠瓜也今以長者名瓠子圓者名葫蘆皆可食又有細腰者為藥壺盧小而扁者為油

壺盧老而堅  
皆可用

茄

有海茄水茄旱茄  
之別色亦各異

紅花菜

即山丹花宋蘇軾詩堂前種山  
丹錯落瑪瑙盤則今之撿丹也

黃花菜

一名金針菜歲與紅花菜並為賦又白  
菜氣微羶子入藥黃瓜菜氣味如黃瓜

山豇豆

葉潤於榆錢赤無齒其  
莖中空氣味頗似豇豆

步連菜

生野中類苦菜  
葉微大莖如筋

甜漿菜

生野中葉長  
色白味甘

酸漿菜

似羊蹄而葉細酢可食爾雅謂之殭

山兒菜

似蒺藜而高大葉圓鮮可茹

河白菜

生近水田間采食之

杏葉菜

又一種曰歪脖菜皆沙參苗又有鳳尾菜莖如鳳尾

蘑菇

一統志諸山中皆有之大而黃者佳種類不一生於榆者為榆蘑菇生於榛者為榛蘑菇而榆

肉生榆樹窟中味尤美即古所謂樹雞也舊志蘑菇有凍青羊肚蒿子雞肥銀盤粉子麋子定

等名歲採厚而佳者入貢

夸蘭蘑菇

生齊齊哈爾城東草地內七月入市夸蘭者種廬椀木所立之周遭也木氣入

土生蔬故名色白  
味腴食品所珍

木耳

質厚味勝他產內  
務府採佳者入貢

石耳

生山石上味勝木耳一統  
志一名靈芝諸山中有之

龍芽

有二種一曰樹龍芽葉似椿而大初長刺條  
來年於頂上吐芽採為茹其條便枯一曰地

龍芽即升麻  
苗葉亦相似

龍鬚菜

一統志出金州海濱石上叢生狀如柳根  
鬚長者至尺餘白色土人呼為麒麟菜

鹿角菜

生海邊大如鐵線分了如  
鹿角紫色黃色乾為海錯

海絲菜

明一統志  
復州衛出

海蘊

葉似亂絲又有海藻色黑如髮

海帶

似海藻而粗俗呼海白菜

昆布

新唐書渤海傳南海之昆布較之海帶則細其實一類也

草類

榮麻

土人需此為繩種之田中戶部官莊以麻交稅後漢書臧傳種麻養蠶作綿布

靛

一名藍草內務府設靛莊為染布之用靛花入藥名青黛

茜草

可染絳詩稱茹蘆即此內務府採以充貢

烟草

冬可禦寒土人尤多食之出撫順者佳

藿香草

葉類豌豆而細  
叢生可以辟蠹

銍草

可治木器內務  
府採以充貢

葦

山海城蓋平  
界今有稅

紅根草

葉瘦而長柔韌可為繩舊例採貢京師  
又有黃根草似紅根草而色黃土人採之

羊草

生山原間戶部官莊以時收交備飼牛羊之  
用西北邊謂之羊鬚草長尺許莖末圓勁如

松針黝色油潤飼馬肥澤居人以七八月刈積  
之經冬不變大宛首宿疑即此今人以首宿為

菜菔名

同也

星星草

亦曰猩猩草  
出山谷間



狼尾草

又有馬尾草俱以形相似而名

扁担草

又有莠草馬房草水稗草俱生田間可飼馬

章茅

可苦屋

黃背草

層層有節可代章茅亦曰黃茅

荻

爾雅謂之蕭

蘆

一名蘆詩八月蘆葦一名葭詩兼葭蒼蘆爾雅葭蘆註曰葦一物而三名也

塔子頭

窪地叢生其根裏土壅如小塔

小青草

味苦田間以之充茗

燕麥

粒如麥而小兩  
雅謂之雀麥

白草

可織帽寧遠州出  
又黃草可染黃色

莎草

詩南山有臺指此莖  
宜蓑笠根即香附

馬蘭

似蒲而小花藍無香可染色根可為刷  
禮月令荔挺出即此子入藥名蠹實

老少年

一名秋紅一名雁來紅  
秋則漸紅如花土人謂之老來變一名十

樣錦

香蒲

弱如笋可食茸入藥名蒲黃又  
有菖蒲生湖泊中俗呼臭蒲

荇

葉圓紫赤  
莖如釵股

蘋

四葉相合中折十字浮生水而生陸地者則青蘋也

藻

葉大者曰馬藻葉細者曰水蘊土人呼水蘊為雜草冬取食之名凍青草

菰

一名蔣依呼茭草春生笋亦可茹莖中如兒背者曰茭瓜結實曰菰米一云彫胡

水葱

生水中如葱而長又名翠管可為席今但織為團扇曰蒲扇

萍

浮生水而或云楊花所化紫背者入藥

蓬

爾雅釋名云鬲彫蓬薦黍蓬今人統呼為蓬子蒿

如意草

一名箭頭草開紫花莖實下垂似如意可療治風瘡

芄蘭

蔓生葉絲而厚斷之有白汁子長數寸俗名雀瓢

葛藤

蔓延山谷長至數丈出軍海復州等處海  
南人以船載去治為締絡土人但取東物

貓兒眼草

葉紋如  
貓睛

木類

松

山中最多種類不一土人以結子者為  
葉松無子者為沙松脂多者為油松

赤白松

理細氣香  
木之貴者

黃蒿松

松枝葉如蒿生寧古塔石甸子上  
他處所無又有刺兒松其松多刺

俄羅斯松

一名老鎗葉抽莖如蒿莖高二尺餘葉  
出層層刪之其末層葉葉相抱如球取

次而舒已舒之葉老不堪食割球烹之畧似安  
松郊圃種不滿二百本八月移盆官弁分苗之

冬月苞  
經以貢

依奇松

生吉林北依奇甸子質瘦勁少枝葉色青如松土人不知何名因所生地呼為依奇

松伐為材木性燥易裂入土則裂縫復合堅如石

栢

多生於西北邊外栢葉栢仁皆入藥

香樹

莖直叢生花黃長白山中最多可焚以祭神土人取以作香生近山石崖者有節名竹節

香根作箭髀頭極佳不可多得

桑

後燕錄遼川無桑桑容鹿通於晉求種江南始得按此地桑類頗多特少養蠶者耳皮入藥

曰桑  
白皮

櫟

山桑中為弓材及車轅葉亦可飼蠶

榆

本地榆類甚多皆美材刺榆花榆尤佳刺榆大者中為車軸一名軸榆唐風所謂山有樞者此

也花榆理細宜為几案凡榆臃腫處花紋尤勝可飾器用人多珍之

檀

色紫赤紋細潤中車轅及箭筈其交枝處花紋尤細可為小刀柄

槐

爾雅疏葉大而黑者名櫟槐晝合夜開者名守宮槐細而青綠者但謂之槐今山中皆有之花

入藥未開者名槐子可染色

杜

一名甘棠移接梨樹結實甚佳

小刺榆

葉初生鮮可茹長僅丈餘質細而堅激打鎗竿多用之

青楊

葉大而圓採為箭筈歲入貢

白楊

如青楊葉微小皮白木宜箭筈一種生水澤者多合抱刻為槽盆性不燥裂歲入貢

檉

樹高舉如柳今呼拒柳大者可刻為舟根可為髑頭

柳

採根之屬多用之直長者採取入貢備帳房之用

檉

河畔赤莖柳

花拒柳

質堅緻可為鎗竿蠟蟲食之一名蠟條

樺

北史室韋傳用樺皮葺屋按樺樹皮似山桃有花紋紫黑色可裹弓及鞍鐙諸物諸山中皆

有之而嫩江混同江之間尤多內務府採樺木箭筈烏拉有樺皮屯設壯丁採皮充貢亦貢箭

竿木包紮極細作梔亦佳又黑龍江樺皮船僅受一二人攜以入水游行便捷

椴

葉大皮黑紋細微赤者曰紫椴邊外入參多生椴樹之下內務府所貢椴板即此質白者曰糠

椴椴皮可製繩引

火鎗軍中需之

椿

葉香可噉者為香椿

楸

類核桃樹其木可為鎗桿及船槳每歲採取備用皮堅韌亦可束物

樗

似椿而葉臭土人呼為臭椿

柎

爾雅謂之櫨皮理糾結質最堅俗呼組筋子木大者為車軸次於軸榆

栲

似樗而葉差狹爾雅註種卽山栲



柞

一名鑿子木高大堅實中為平材皮黃充貢可染色木心黃朽者可為火絨黑龍江貢木火絨

此即

櫟

亦柞類一名栲質堅土人多以燒炭實名橡子帶曰橡枕可染皂按櫟葉染皂佳今尚無用

之者

槭

亦栲類不結實俗呼薄羅樹俗以五月五日取葉裹麵蒸食之謂之薄羅餅

青剛柳

山中皆有之亦栲類材中為弓

棟

赤者葉細中為車輪白者葉圓木理堅緻其色亦中木枕刀柄之用

煖木

明一統志海州衛出或云即黃蘗木皮溫厚可墊鐙心包弓抱細者中為鞭桿又薩哈連

烏拉出小暖木形類杉松木質尤堅  
入水年久化為安石可充砥礪之用

茶條

質堅可為杖染  
皂勝於橡斗

荆條

一云壯荆成叢疏爽故又名楚一種葉圓花  
紫枝柔細可為筐篋一種粗勁者名鐵荆條

根可為  
髹頭

漆樹

通考百濟海島出黃漆樹似小棕樹而大六  
月中取汁漆物器若黃金其光奪日皮白葉

似椿花似槐木心黃深  
山有之但無採漆者

楷

一名雞尾荆色赤中為矢世傳肅慎氏楷  
矢即此舊唐書靺鞨傳有角弓矢及楷矢

皂莢樹

刺長皮潤結角如猪牙者入藥長而  
肥厚者多脂長而瘦薄者枯燥子黑

山藤

木之類枝柔韌中為鞭桿

六稜木

枝幹皆六稜最堅實

明開夜合木

一名金銀柳結子如花至冬不開木理細潤

老鸛眼

一名鼠李木堅緻有花紋子赤黑如鴉眼皮可染色

東瓜木

似拒柳皮色青名水拒柳質堅中為硯材按本地石可為硯者出平頂山及駱駝

洞然性滑瓦可為硯者出北鎮廟然性堅難磨得遼陽東上石橋金星礪石方可成器木可為

硯者即遼陽東瓜木也質輕易攜顏能下墨雖非奇玩亦自可珍

榛栱木

松漠紀聞榛栱木有文縷可愛多用為梲

黃楊

木堅難長東北  
大山間有之

棘

一名棧有赤白二種結子者名酸棗仁  
入藥不結子者為牛棘俗呼棗刺科

白桤

爾雅謂之棧木高五七尺堅緻可為杖  
其果紅色核麻而扁仁入藥名欒仁

杜仲

山中有之皮  
薄不堪入藥

凍青

寄生樹下葉微圓子赤  
凌冬不凋青蔥可愛

亮木

古木根莖所化夜視有光遇雨益明  
移置室中即可燭物山中往往有之

銀木

明一統志  
栽有此木

雄常

晉書肅慎氏有樹名雄常皮可為衣雄常山  
海經作雄常按字書雄與洛通或音作額

# 花類

長春

奉天吉林黑龍江皆有之采條紛披黃花爛漫逐時開放

迎春

經春即開又有探春春過始開亞於南中

杏花

春夏之交開如錦繡較南方稍遲黑龍江杏花無成樹者地氣寒也

桃花

有紅白粉紅諸色千山最勝又有碧桃花一種

梨花

千山最勝每春望之亦如香雪海

李花

松漠紀聞寧江州多草木如桃李之類皆成園至八月則倒置園中封土數尺覆其枝幹

季春出之厚培其根否則凍死春暮放花蕊細如雪種亦不一惟黑龍江絕少

丁香

紫白二色生山  
原者名野丁香

小桃紅

花色紅亞  
於碧桃

金雀花

形如小  
雀黃色

地檀花

杏黃色大  
如粉團

雀兒花

黑龍江諸境有之  
色翡翠似鴛鴦  
而單蒂附橫枝上如鳥之翔又閃綴花以色名

似龍爪而小山丹而曲又有草芙蓉不知何以  
名葉細如皂莢花黃同菊瓣高者亭亭二尺許

日奇花

類蝴蝶花而小一莖十數花辰收中  
放數必奇故名葉如螢黑龍江出

垂絲海棠

有絲下垂一種曰  
貼根植者甚稀

牡丹

紅黃兩色俱有之契丹國志渤海富室往往為園池植牡丹多至二三百本有叢生數十

幹者皆燕地所無

芍藥

大全國志金太祖十四年生紅芍藥花北方為瑞女真地向多白芍藥花皆野生絕無

紅者好事之家採其芽為菜以麪煎之凡待賓齋素則用之金人珍惜不肯妄設過大賓饌切

數絲置標中以為異品按今英莪門外獵場中有芍藥兩叢相對繁柯密葉鬱然猶存其下

不生雜草土人云凡鳥獸避跡不敢踐花時人過之畏不採擷或有所犯必致疾病因名其

地為花園詳見

御製花園詩序及注

薔薇

有紅白二種

玫瑰

紅者可入食品黃者花微小俗通呼刺玫  
野開者花皆單瓣色紅子赤名山刺玫

石榴

有紅白黃三種不結  
果者名番花石榴

山丹

紅花六瓣一名紅百合其  
跗未開者乾之即紅花菜

鳳仙

俗呼指甲草性  
能透骨子入藥

木槿

朝開暮歛即  
詩之舜華

萵苣

即罌粟八月始花高尺許葉如萵苣生黑  
龍江者單瓣微紅中土人攜千層五色種

布帛變又名生菜蓮  
花有紅有白子入藥

棠梨花

黑龍江郊圃間皆有之土人繫綰條于上  
曰神所憑伏臘祠之有戲其枝者則怒不



知何所  
取義

翠蛾眉

隨日側映  
鮮妍有致

蜀葵

花色不一俗呼秦菊花紫者可染色紅白者  
可治疾一種莖短花小而單者錦葵也俗呼

小秦菊又兔葵黑龍  
江土人呼曰兔膾葵

向日蓮

獨莖頂作黃花大如碗向日而  
轉亦名葵花又一種曰秋葵

荷花

即詩之菡萏爾雅謂之芙  
渠今名蓮花有紅白二色

雞冠

其形如雞冠有  
黃紅白數種

素馨

本出福建今郊原有之黃白  
二色白者團而小香勝茉莉

水桂花

細碎而香  
淡黃色

旋覆花

兩雅謂之逆庚色深  
黃入藥又名六月菊

護花

亦曰萱一名鹿蔥喜生陰地花六出四垂乾  
則為金針菜相傳食之可以忘憂即詩所云

馬符護草言  
樹之背是也

牽枝牡丹

花粉紅色蔓生  
俗呼串枝蓮

扁竹蘭

花形三角  
即射干花

山胭脂花

有紅黃紫白諸色又名  
粉團花俗呼茱萸花

紅藍花

花可染色俗呼  
為紅花亦入藥

馬纓

花如絨一名心散  
其葉晝舒夜捲

金盞

黃花如盞  
秋深猶茂

玉簪

一名白鶴仙未開時如白玉  
搔頭黃紫者差小亦名玉簪

捲丹

六出四垂大于山丹先結子枝葉間  
入秋開花于頂根如百合可充蔬

石竹

枝如竹花色不一  
子入藥名薺麥

金錢

色紫而圓  
落必以夜

牽牛

蔓生花色不一  
呼為喇叭花子入藥  
林人

曼陀羅

如牽牛花而  
大子如茄

剪秋羅

有紅黃諸色四圍參差如剪

秋海棠

入秋始花  
色亦嬌艷

荷包牡丹

亦海棠類也花形似荷包鬚亦如穗

百日紅

木本花如丁香又千日紅草本久而不萎

醉八仙

紫如丁香

蘭草花

葉如韭花粉紅色叢生莖上

鳶蘿

蔓生葉如藻花紫紅色

江西臘

花似菊色亦不一枝頗搖曳

水荭花

高者丈餘多生下濕地詩隰有游龍即此今人園中往往植之

繡毬花

叢生如毬

菊

奉天地寒諸花皆後時惟菊開應節黑龍江菊花五月茁枝瘦弱八月移盆入室臨南窓下十

月花大如錢

萬年菊

花葉類草芙蓉色黃枝柔蒙密延蔓一本可百餘花或曰即層瓣高麗菊也

高麗菊

產朝鮮枝葉類萬年菊單瓣色黃赤相間如虎皮

凍青花

葉如柳而同新葉生舊葉始脫花紫色冬含蓓蕾春夏方開

月季

亦曰月月紅又有十姊妹一枝數朵相簇

菓類

松子

宋會要新羅山松子榛子松塔子契丹國志女真多產松實一統志諸山中最多率三歲

之中一歲大收按本草松子出遼東及雲南今烏拉寧古塔山中最多採取入貢通行各省

乾隆四十三年有

御製盛京土產詩十一曰松子恭載

天章門

榛子

香美甲于他省經荒火燒落者尤佳內務府採取入貢

胡榛子

結子如榛殼大實小其木柔長

溫普

形似榧味甘而酢俗呼曰溫普乾隆四十三

御製盛京土産詩十二曰溫普恭載  
天章門

山櫨

爾雅曰執熟梅土人呼為  
山裏紅佳者蜜餞入貢

梨

唐書渤海傳果有樂遊之梨一統志醫王問山  
出香梨今千山及廣寧者為上接梨香水梨平  
頂香或鮮或凍或蜜餞以時入貢又有羊奶馬  
奶諸名大者至半斤又有酸梨皮黑土人珍之  
而酢梨乾梨  
麪皆以充貢

香瓜

即甜瓜禮記為天子削瓜指此今禮部以時  
供

祀

有瓜園向有銀皮瓜芝蔴粒高麗瓜諸名  
今蜜瓜尤佳蒂入藥名苦丁香

西瓜

相傳種自回紇今種自雲南哈密來者味尤  
勝其味酸而子大者名打瓜專取子充用松

漢紀聞西爪如扁蒲而圓色極青翠經歲則變黃其硃類甜爪味甘脆中有汁尤冷予攜以歸可留數月但不能經歲亦不變黃

色有久苦目疾者曝乾服之而愈

桃

出廣寧及千山者佳又黑龍江貢紅黑桃皮

玉櫻

紅白相間其紅者曰朱櫻

李

新唐書渤海傳米有九都之李今出奉天者種類甚多

杏

奉天錦州諸山皆有之色味俱佳

稠梨子

一名櫻額梨果形如野葡萄而稍小色黑味甘滋補乾入貢屑為麪著月調水服之

可以止渴  
土人珍之



山定子

蜜餞  
充貢

栗

後漢書三鮮傳出大栗如梨隋書百濟傳有  
巨栗今出千山者實小而味佳採以入貢

花紅

實紅黃色蜜餞入貢櫛子似花紅而大秋子  
似花紅而小皆奈之屬有謂花紅即林擒者

恐  
誤

棠梨

即杜梨味甘酸不  
一有赤白二種

葡萄

園產者大而味佳有紫碧圓長之別山產者  
實小味酸有黑白二種其尤小而深黑者即

詩之真令  
採入貢

棗

遼陽有之又有效棗按本草以左思賦君遷  
為軟棗一名丁香柿其形如柿實小而長今此

地所產形如棗色青味甘  
蜜餞充貢益別一種也

枸奈子

形如麥實小  
味酸色紅

菱

一名菱色有紫有黑形有兩角三角四角佳者  
歲取以供

祀

又六稜菱產黑龍江亦生

芡實但所產甚稀

蓮實

小予建蓮  
亦可入藥

郁李

爾雅謂之棠棣今多生山原間子如櫻桃仁  
入藥秦天錦州等府凡郁李收實多者歲必

大熟二府之人  
常視為占候也

銀杏

一名白果  
錦州府出

蘋菓

花粉紅色菓  
紅碧相間

沙菓

似蘋菓而小寧遠州海島  
寺中出蘋沙等菓最佳

核桃

寧遠州  
有之

山核桃

生樹上形似胡桃而  
長殼堅厚肉味頗勝

文官菓

形如小香瓜五雜俎  
形如螺蓋別一種

無花菓

不花而實生  
于枝葉之間

安石榴

漢張騫使西域得塗林  
安石榴以歸又名海榴

普盤

即木苒爾雅謂之箭蔓生實  
如桑椹而短色紅味甘酸

桑椹

味甘酸  
色紫黑

伊爾哈穆昆

出寧古塔叢生數寸莖端結菓色紅味甘而酸置器中少刻成水一名桃

花水俗呼高麗菓出愛琿者曰花水色赤如豆入口成液離枝十餘日輒化為水以蜜收為膏

貢元

法佛哈

一名紅櫻  
即白接菓

密孫烏什哈

出吉林寧古塔木樹連綴而生形類櫻桃味甘酸一名烏察拉齊

龍葵

菓小而圓  
一名大茄

燈籠菓

外垂絳囊中含赤子如朱櫻俗呼紅姑娘

錦荔枝

一統志一名癩葡萄深黃色棄皮取瓢可充菜亦堪作蔬又名苦瓜

歐李子

柔條叢生高二尺許花碎白實如小李味酸澁寧古塔愛琿皆有之

杜實

產愛琿小而赤似桑菜味酸

欽定盛京通志卷一百六